

毛詩草木鳥獸蟲魚疏
毛詩草木鳥獸蟲魚疏廣要（一）



毛詩草木鳥獸蟲魚疏廣要

一

陸璣
毛詩
管參
撰

中華書局

毛詩草木鳥獸蟲魚疏敘

隋書經籍志毛詩草木蟲魚疏二卷烏程令吳郡陸璣撰唐書藝文志陸璣草木鳥獸蟲魚疏二卷宋崇文總目云世或以璣爲機非也機本不治詩今應以璣爲正案初學記燭類引陸士衡毛詩草木疏唐人已誤爲機幸有陸氏釋文璣字元恪爵里甚明今所傳二卷卽璣之原書後人疑爲掇拾之本非也爾雅邢疏引陸璣義疏齊民要術太平御覽竝稱義疏茲以陸疏之文證之諸書所引仍以此疏爲詳疏引劉歆張奐諸說皆古義之塵存者故知其爲原本也間有遺文後人傳寫佚脫

爾璣三國時吳人釋詩者自毛鄭後以此書爲最古烏可不寶貴而熟翫之乎其與毛異義者易蔡王弼之傳謂茱竹爲一草易六駁馬之傳謂六駁爲木名亦不盡依故訓其下篇敘齊魯韓毛四詩源流至爲賅洽釋文敘錄四詩東漢從略此疏合班范儒林傳綜貫無遺其敘毛詩謂授自孟仲子毛傳引孟仲子天命之說祿宮之文鄭譜引孟仲子於穆不似謂孟仲子子思弟子漢書具載經師而不及孟仲曾申梃牟荀卿賴此疏以傳之也唐孔氏正義謂漢書儒林傳毛公不言其名而此疏稱魯國毛亨爲故訓傳以授趙國毛萇徐堅因之初

學記載毛詩授受悉同此疏元明沖遠所未聞得此疏而始備惟其去漢未遠是以述古能詳尤信其爲原書也蒙年逾六旬目瞑意倦炳燭之明手自雠校考之詩疏釋文及唐宋類書比勘是正舊有毛晉津逮祕書本王謨漢魏叢書本王本譌漏殊甚脫去鹿鳴倉野之琴疏蒲翦鵲鳩亦有佚脫今悉依毛刻本毛脫去木瓜一條据御覽引補入訂其譌字增其闕文多識正名勉爲小子之學後之擘求毛故者幸無棄焉

咸豐五年歲在乙卯立夏日山陽丁晏敘

毛詩草木鳥獸蟲魚疏卷上

古經解彙
函之十五

吳陸璣撰

山陽丁晏校正

方秉簡兮

蘭卽蘭香草也春秋傳曰刈蘭而卒楚辭曰紉秋蘭子
曰蘭當爲王者香草皆是也其莖葉似藥草澤蘭但廣
而長節節中赤高四五尺漢諸池苑及許昌宮中皆種
之可著粉中故天子賜諸侯蒹蘭詩疏無此
上八字藏衣著書
中辟白魚也詩溱洧正義子
曰一作孔子曰

采采芣苢

芣苢一名馬舄一名車前一名當道喜在牛跡中生故

曰車前當道也今藥中車前子是也幽州人謂之牛舌

草可嚮

與煮同毛晉陸疏廣要作嚮王謨本作嚮誤

作茹大滑其子治婦人

難產

詩茅苴疏爾雅釋草疏證類本草

言采其蕪

蕪今藥草貝母也其葉如枯樓而細小其子在根下如

芋子正白四方連累相著有分解也

詩載馳疏爾雅釋草苗貝母疏證類

草本

中谷有推

推似萑方莖白華華生節間舊說及魏博士濟陰周元明皆云菴蒿是也韓詩及三蒼說悉云推益母也故曾

子見益母感恩

詩爾雅疏作而感恩無恩字證類本草作感恩

案本草云茺蔚

一名益母故劉歆云茺臭穢卽茺蔚也

詩中谷有茺疏引舊說以下文

爾雅釋草茺
茺疏引同

集于苞杞

杞其樹如檟

爾雅疏無此四字

一名苦杞一名地骨春生作羹

茹微苦其莖似莓子秋熟正赤莖葉反子服之輕身益

氣

爾雅釋木杞樹樞疏證類本草詩南山有杞釋文又引一名狗骨四字

言采其蕒

蕒今澤蔦也其葉如車前草大其味亦相似徐州廣陵

人食之

詩汾沮洳正義

蔦與女蘿

蔦一名寄生葉似當盧子如覆盆子赤黑甜美女蘿今

兔絲蔓連草上生黃赤如金今合藥菟絲子是也詩類
弁疏

引今兔絲至此爾
雅釋草疏引同非松蘿松蘿自蔓松上生枝正青與

菟絲殊異羅願爾雅
翼女蘿引

有蒲與荷

蒲始生取其中心入地者名萌大如匕柄正白生噉之

甘脆鬻而以苦酒浸之如食筍法王謨本脫依毛晉本
補入詩韓奕疏引同

齊民要術引作如食筍法大
美今吳人以爲菹又以爲醢荷芙蕖江東呼荷其莖茄

其葉蓮莖下白萌其花未發爲菡萏已發爲芙蕖其實

蓮蓮青皮裏白子爲的中有青長三分如鉤爲薏味

甚苦故俚語曰苦如薏是也的五月中生生啖脆至秋

表皮黑的成實或可磨以爲飯

藝文類聚引作爲散初學記作飯

如粟

也輕身益氣令人強健又可爲糜幽州揚豫取備饑年

其根爲藕幽州謂之光芴爲光如牛角

御覽引作牛角毛晉本作斗角

詩澤陂疏引蓮青皮裏白子爲的中有青爲薏味甚苦故里語曰苦如薏是也爾雅釋草的中薏疏同

參差荇菜

荇一名

詩疏爾雅疏無一名二字

接余白莖葉紫赤色正圓

詩疏作員徑

寸餘浮在水上根在水底與水渼淺等大如釵股上青

下白鬻

爾雅疏作鬻說文鬻音也或从煮毛晉本作鬻王本作鬻誤

其白莖以苦酒

浸之肥美

詩疏爾雅疏作肥美齊民要術作脆

可案酒

毛詩關雎疏爾雅釋草荅接余疏齊

民要術引未有其華蒲黃色五字

于以采蘋

蘋今水上浮萍

毛晉本作萍

是也其麤大者謂之蘋小者曰

萍季春始生可慘蒸以爲茹又可用苦酒淹以就酒

爾雅

釋草疏引陸璣毛詩義疏

于以采藻

藻水草也生水底有二種其一種葉如雞蘇莖大如箸

長四五尺其一種莖大如釵股葉如蓬蒿謂之聚藻

上以

詩草蟲疏引

扶風人謂之藻聚爲發聲也此二藻皆可食煮

毛晉本作
食鬱熟

按去腥氣米麴糝蒸爲茹嘉美揚州饑荒可

以當穀食

爾雅釋草疏齊民要術引
作荊揚人饑荒以當穀食

饑時蒸而食之

薄采其茆

茆與苻葉相似葉大如手赤圓有肥者著手中滑不得

停莖大如匕柄葉可以生食又可嚙滑美

詩疏毛晉本
作鬱一作鬱

誤南人謂之蓴菜或謂之水葵諸陂澤水中皆有

詩泮
水疏

蒹葭蒼蒼

蒹水草也堅實牛食之令牛肥強青徐州人謂之蒹菹

州遼東通語也

以上詩蒹
葭疏引

葭一名蘆葦一名蘆葦或謂

之荻至秋堅成則謂之槿其初生三月中其心挺出其

下本大如箸上銳而細揚州人謂之馬尾以今語驗之

則蘆翫別草也

詩碩人疏引爾雅釋草疏引同

葦竹漪漪

有草似竹高五六尺淇水側人謂之葦竹也

詩疏引無上十七字

葦竹一草名其莖葉似竹青綠色高數尺今淇澳傷生

此人謂此爲綠竹

詩淇澳疏引草名以下文爾雅翼云機所說合綠與竹爲一草未知其審

淇澳二水名

詩疏引毛本有此五字

荇之華

荇一名陵時一名鼠尾似王芻

詩疏無一名陵時似王芻七字

生下隰

水中七八月中華紫似今紫草華可染皂

爾雅疏作阜

藥以

沐髮卽黑

詩荅之華疏爾雅釋草疏

葉青如藍而多華

詩疏無此七字

隰有游龍

游龍一名馬蓼葉麤大而赤白色生水澤中高丈餘

詩山

有扶蘇疏引無麤字爾雅釋草紅龍疏同

倉野之苹

苹葉青白色莖似箸而輕脆

詩疏爾雅疏作輕肥

始生香可生食

又可蒸食

詩鹿鳴疏蒸作蒸爾雅釋草苹蘋蕭疏

于以采蘋

蘋皤蒿凡艾白色爲皤蒿今白蒿春始生及秋香美可

生食又可蒸食一名游胡北海人謂之芡勃

太平御覽蒿引故

大戴禮夏小正傳云繫游胡游胡茆勃也

證類本草

菁菁者莪

莪蒿也一名蘿蒿生澤田漸洳之處葉似邪蒿而細科

生三月中莖可生食又可蒸食香美味頗似萑蒿

詩菁菁者

莪疏御覽莪蒿齊民要術引同

言刈其萑

萑萑蒿也其葉似艾白色長數寸高丈餘好生水邊及

澤中正月杞芽生芴莖正白生食之香而脆美其葉又

可蒸爲茹

詩漢廣疏爾雅釋草疏詩釋文引馬云萑蒿也卽馬融毛詩傳陸疏因之

倉野之蒿

蒿青蒿也香中炙啖

毛詩爾雅疏闕此四字郭注有此語同

荆豫之間汝

南汝陰皆云蔽也

詩鹿鳴疏

采采卷耳

卷耳一名泉耳一名胡泉一名苓耳葉青白色似胡葵

白華細莖蔓生可鬻爲茹滑而少味四月中生子正如

婦人耳中璫今或謂之耳璫草

詩疏無此七字

鄭康成謂是白

胡葵幽州人呼爲爵耳

詩卷耳疏引葉青白色以下文爾雅釋草疏同詩釋文引幽州

人謂之爵耳證類本草葉耳卷耳引陸疏

贈之以芍藥

芍藥今藥草芍藥無香氣非是也未審今何草

以上詩漆浦疏

引司馬相如賦云芍藥之和揚雄賦云甘甜之和芍藥

之美七十食也

毛晉本作七十食之御覽藥部引今芍藥無人食也

采葑采菲

葑蔓菁幽州人或謂之芥

詩疏爾雅釋草疏俱作蕪菁御覽亦作蕪菁

菲似

菑莖麤葉厚而長有毛三月中蒸饗爲茹甘美可作羹

幽州人謂之芴爾雅又謂之蕒菜今河內人謂之宿菜

詩谷風疏爾雅釋草菲芴疏

言采其蕒

蕒鼈也山菜也周秦曰蕒齊魯曰鼈

詩釋文引此二句

初生似

蒜莖紫黑色可食如葵

爾雅釋草蕒鼈疏齊民要術引詩義疏曰蕒山菜也初生似蒜